

## Pelajar 5

“Ku sida bejaku ngagai indu nya, ‘Kami arap, ukai laban jaku nuan, tang laban kami empu udah ninga, lalu kami nemu Iya amat Juruselamat dunya’ ” (*John 4: 42*).

### A Orang Judah enggau orang Samaria:

#### ❖ Cherita orang Samaria. John 4:1-7.

“Tang Iya enda tau enda nengah menua Samaria” (*John 4:4*).

- Dikena nyeliahka penyaraut antara murid Iya enggau murid John, Jesus lalu ngagai Galili ari Judea, mansa menua Samaria (*John 4:1-4*).
- Dalam pejalai, Iya ngetu kurang-lebih sebatu ari Saikar, ke alai Jakop meli tanah ke diberi Iya nyadi pesaka ngagai Josep (*John 4:5; P-kal 33:18-19; Joshua 24:32*). Datai ba endur nya, Jesus nudukka diri ngimbai telaga Jakop. Maya nya hari udah tengah hari, maya ke pepadu angkat (*John 4:6*).
- Lebuh maya bala murid Iya bebelika pemakai, siku indu orang Samaria datai laban deka nyauk ngagai telaga. Tengah hari nampun, lebuh maya panas pepadu bisa? Iya belalai ari orang bukai, Iya enggai dipeda begulai enggau bala indu bukai ke sama nyauk tumu pagi (*John 4:7-8*).
- Pemenchi ke udah tumbuh beratus taun, tu ke nagang indu tu ari bejaku tauka meri ai ngagai orang Judah.
- Nama sekeda ari sangka jai ke bisi ba bansa kitai ke nanggul kitai ari besaksi ngagai orang bukai? Bakani chara mutarka penusah nya?

#### ❖ Indu orang Samaria enggau orang Judah ke aus. John 4:7-14.

“Indu orang Samaria nya lalu bejaku ngagai Iya, ‘Baka ni ku Nuan ke orang Judah, minta ai irup ari aku ke orang Samaria?’ (Orang Judah enggai begulai enggau orang Samaria)” (*John 4:9*).

- Laban indu tu enggai dibai berandau, ari nya Jesus mutarka penusah nya ari ke minta ai irup: “Beri aku ngirup” (*John 4:7*).
- Dikena nyaut nya, indu Samaria tu madahka dua iti kebuah alai Jesus enda tau minta utai ari Iya, tauka bejaku enggau Iya: Iya indu lalu Iya mega bansa Samaria (*John 4:9*).
- Sekurang-kurang, Iya udah mujur ngepunka randau. Sebaka enggau Nikodemus, Jesus lalu terus ngagai batang randau: “Aku tu ukai orang sebarang, aku ulih meri ai ke ulih madamka pengaus nuan” (*John 4:10*).
- Sebaka enggau Nikodemus, indu tu mega nguji deka nyalin leka jaku Jesus enggau chara ti literal (*John 4:11-12*). Ari nya Jesus lalu numbuka pengeran dalam ati Iya ngambika Iya auska ai pengidup (*John 4:13-15*).
- Kati nuan deka ke ai ke ulih muai pengaus dalam pengidup nuan? Jesus deka meri nya enggau nadai bebayar (*Pem. 21:6*).

### B Orang Samaria nerima Penyelamat:

#### ❖ Auska ai pengidup. John 4:15-16.

“Ku indu nya bejaku ngagai Iya, ‘Tuan, beri aku ai nya, ngambika aku enda agi aus, lalu enda agi ibuh nyauk.’ ” (*John 4:15*).

- Lepas indu nya mendingka Iya, Jesus lalu enda enggau terus nyaut tanya Iya. Enti Iya deka ke ai pengidup, Iya enda tau enda datai enggau laki Iya (*John 4:16*).
- Kemaya nya, semua dosa Iya pen lalu tebantai ba runding Iya.
- Bakani nuan, lebuh ke betunga enggau Tuhan dalam dosa nuan? Kati nuan deka nyeliah, tauka nuan nyerah ngagai Iya sereta minta ampun?

#### ❖ Tetemuka Penyelamat. John 4:17-26.

“Ku indu nya bejaku ngagai Iya, ‘Aku nemu Messiah’ (ke dikumbai Kristus) ‘deka datai. Lebuh Iya datai, Iya deka madahka semua utai ngagai kitai.’ Disaut Jesus, “Aku tu meh Iya, ke bejaku enggau nuan diatu” (*John 4:25-26*).

- Keterubah bendar iya deka besangkal: “Aku nadai laki” (*John 4:17*). Tang Jesus ngayanka diri nemu pasal pengidup iya. Nya alai ba tu, indu tu nyau ngelala Iya meh nabi (*John 4:17-19*).
- Nyau ka kedua kali, indu nya pen nguji deka ngelarika diri ari dosa iya, ari nya Jesus lalu datai ba penyerekang theoloji ke alai sekaligus sida patut besembang ba rumah sembiang di Jerusalem tauka sembiang ba tembawai rumah sembiang ba bukit Gerisim (*John 4:20*).
- Jesus nyaut tanya iya enggau sabar, udah nya lalu ngiring iya ngagai pemutus nyadi penyembah Tuhan ti bendar (*John 4:21-24*).
- Diatu indu tu nanya ke penerang ari Jesus senentangka utai dalam runding iya: Kati Iya nabi tauka Mesiah ke dianti sida? Semina siku iya aja meh indu ke ninga Jesus madahka diri empu Kristus, ianya Mesiah ke dianti (*John 4:26*).
- Bakani nuan tetemuka Kristus lalu nerima Iya nyadi Penyelamat?

❖ **Madahka pasal Penyelamat. John 4:27-42.**

“Aram kitai meda orang ke udah madah ngagai aku semua utai ti udah dikereja aku. Kada enda Iya nya Messiah?” (*John 4:29*).

- Penatai bala rasul lalu ngeruga randau Jesus. Indu nya lantang amat ati dataika enda agi ingatka kebuk ai iya (tuju penatai iya ke telaga) lalu pulai baru ngagai Saikar (*John 4:27-28*).
- Laban nemu utai ti deka nyadi lepas nya, ari nya Jesus lalu nyikap bala murid Iya. Keterubah, Iya mandang ngagai sida bisi utai ke lebih agi ngemantupka pengidup lebih ari pemakai: pengaga ati madahka penyelamat ngagai orang bukai (*John 4: 31-34*).
- Kedua, Iya madahka sida deka ngetau utai ke ditanam orang bukai (*John 4:35-38*). Indu tu magi saksi iya lalu nanam benih (*John 4:29-30, 39*). Jesus meri ai lalu ngasuh buah iya mansau (*John 4: 40-42*).
- Saksi ari diri empu meh benih ke pepadu manah ke ulih ditabur ba ati orang. Ni pengering saksi nuan ba utai ke digaga Jesus ba pengidup nuan?

“Enda lama lepas iya tetemuka Penyelamat, indu Samaria tu lalu mai orang bukai datai ngagai Iya. Iya ngayanka diri mujur agi nyadi misionari ari murid Jesus. Bala murid enda tepedaka Samaria tu nyadi umai ke ulih meri peransang. Runding sida numpu ngagai pengawa besai ti deka digaga dudi hari. Sida enda tepedaka asil ketau ngelingi sida ti deka digempuru. Tang ari indu ke dianggap sida nadai guna, orang ari siti nengeri ulih ninga pasal Penyelamat. Indu tu lalu kemaya nya mai penampak ngagai orang ti sama semenua enggau iya.

Indu tu ngayanka kereja ari pengarap ti praktikal ba Kristus. Genap iku murid ti bendar ke ada ngagai perintah Allah Taala deka nyadi misionari. Iya ke ngirup ai pengidup deka nyadi mata ai pengidup. Penerima deka nyadi pemeru. Pengasih Kristus ba pengidup orang deka nyadi mata ai ba padang pasir, ti pansut lalu ngemantupka orang, lalu ngasuh orang ti deka mati keran deka ngirup ai pengidup.”

EGW (The Desire of Ages, lambar 195)

“Kristus nadai meri bida ba bansa, pangkat enggau utai ke dikarapka orang. Bala pengajar adat enggau orang Parisi deka ke pemeru ari serega ungkupka penguntung sida aja lalu enda magi ngagai bala nemiak Tuhan ke bukai. Tang Kristus udah ngerubuh genap iti penyelapat. Iya datai laban deka mandangka pemeru pengasih Iya ke enda betatak baka angin enggau penampak, tauka baka ujan ti ngemasahka dunya.

Pengidup Kristus deka numbuhka agama ke alai orang nadai bida, agama ke ungkup orang Judah enggau orang bansa bukai, orang lepas tauka orang tangkap, lalu ngembuan kaul baka diri menyadi, ke sama magang ba mua Allah Taala. [...] Lalu utai ke narit ati Iya, ianya orang ti auska ai pengidup.”

EGW (The Ministry of Healing, lambar 25)